



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

I. Femina prope Albengam, viso mirabili, & ope Ignatij aquis erepta.

urn:nbn:de:hbz:466:1-10840

procul quām posset vox stentoris perferri ; introspicere arcana pectoris; metus eximere , & tentationes , spectrāque dæmonum dissipare (quod Ribadeneiræ , Pontano , Manareo , Balduino ab Angelo , & aliis præstítit) nosse absentia longēque diffita ; vt fugam vnius ex nouem sociis , obitum amicorum trium , Hozij , Codurij , Agnetis Pasqualiæ ; vaticinari quæ essent futura ; Petro Quadrio , & Michaëli Rodesio quid essent facturi pro Societate , multis inde annis fundanda ; Ioanni Pasqualio , Michaëli Zarroui- ræ iurisperito , Martino Helartio , & Francisco Dalmauo , vitæ cursum quem essent habituri minutim describere ; Rodericio , Ribadeneiræ , Baroclo , & Ferrio , sanitatem , à medicis licet depositam spondere ; Francisco Borgia ingressum in Societatem , eidem , & Lainio successuros sibi in Præpositi munere ; sua Romano , Germanico , Neapolitano , & Toletano Collegiis incrementa , & progressus ; Societati labores sub uno Pontifice vorandos ; Toleti mutationem Archiepiscopi , vehementer à nobis auersi , in alium , alterum tantum beneuolum , quæ prædictiones numero quatuor & viginti notatae sunt . Porro hæc mira , ex parte serius quām quis forte optas- set in publicum missa , non debent aut veteres qui ea tenuerunt negligenter suspectos facere , aut credulitatis nimiæ scriptores nouos qui ea retulerunt , nec enim prius proferri sat tuto poterant , quam iuratis , & publicis aucto- ritatibus constarent , ex quibus illi delatum est nomen , & honos Beati . Ab obitu autem viri sancti , tot eo in preces , & opem vocato Deus miracula exhibuit , vt vel ea tantum quæ iuridicis probationibus afferta sunt ad cen- tenarium numerum pertingant . Quæ vero hic pono , præter pauca olim in typos data , deponpsi ex Pontificio diplomate , relationibus Rom . Rotæ cognitorum , actisque legitimis , ad sanctorum cultum ei tribuendum confessis ; ex singularibus denique variorum locorum tabulis in probatio- nem eorum iuridicè scriptis : in quibus placuit varietatem potius placituram spectare , quam rerum , locorum , aut temporum Ordinem .

I.
*Bemipa pro-
pe Alben-
gam , viso
mirabili , &
ope Ignatij
aqua erepta.*

Iuerat Maria Nateria , anno 1618. die altero Pentecostes Loano Ara- sium veneratura B. Virginé à Carmelo : distant ab se ij pagi duodecimo mil- liari , & Genuensium fluvio imminent , redeuntis iter , tempestas imbrium noctem vnam & diem perpetua occlusit ; resumit illud die Mercurij , littus maris legendō , quod terra interior altiori luto tunc esset inuia : præcedebat matrem quæ vnâ venerat , passibus fere quinque , & viginti , cum nihil mi- nus aduertens in aliueum subit torrentis Antognani , tunc magno impetu in mare præcipitus : vociferatur à tergo mater discrimen conspicata , sed mo- mentis vocem maris strepitus extinguit ; infelix filia fluento rapido interce- pta , gressum ad matrem referre nisa est , sed supplantatâ mox aquæ im- petu fugâ deiicitur , & in mare abripitur : hic morituram in oculis filiam , & frustra contuens , & gemens mater , B. Virginem à Carmelo inuocat , quod facit etiam filia cum fundo iam tertium emersa aquis supernataasset mor- tem vicinam operiens . Erat hæc Virgo , Deiparae cultui mirificè addicta , tantum scire optasset sua obsequia Deiparae grata accidere , ita ut pridiè confessario

confessario dicere ausa sit, incitati magis affectus impetu quam arrogantia non videri sibi ab Dei matre tantopere diligi, & foueri, quantum ipsa suis apud illam obsequiis esset promerita, in quo quam longe à vero abesseret, Deipara in præsens ostendit. Vix poposcerat ab ea auxilium, cum cœpit aquis innatare vultu in cœlum verso, distentis brachiis, pedibus ita iunctis, ut si forent arctè colligati, eoque situ, nulla vi, sed vtro quicquid hauserat maris reuomuit. Pergebat interea Deiparam virginem, & quod altius in mare, videret se rapi, & quod morderent tunc animum quæ de suis in eam meritis dixisse meminerat, rata se pœnam eorum luere: vocabat & alios in opem beatos quotquot in mentem succurrissent, inter quos sensit magna se S. Ignatij fiducia erigi, quod fratres duos haberet in Societate, & ante sex dies per somnum vidisset a B. Virgine de Carmelo, & ab S. Ignatio, se in mare prolapsam, ad terram subduci, quod quanquam illi tunc non aliud visum quam imago somni; sed impressit versus Ignatium mentem pia confidentia imbutam. Quare hanc illi nunc precationem concepit, O beate Ignati! serua me, scis enim me fratres in tuo Ordine habere duos; dixerat, eratque intra mare mille passus proiecta, cum repente illi ex mente, & oculis, mare, terra, mundus, adeoque præsens periculum vanuit, totamque hanc sibi, visi pulcherrimi species abstulit. Videbatur sibi candidissima nube cingi usque ab cœlo circumfusa, & lucem complexa longe gratissimam, qualis est, aiebat, solis proximè orituri, quam benignè ferebat oculus eti multo vehementiorem: theatrum exhibebat ea nubes, stantibus Angelis confertum, eleganti forma, splendore tam acuto, ut connuerent ad eum oculi. In his duo hinc inde, quorum alter vestem fuscæ castanei, alter maximè candidam tenebat, agnouitque in iis Carmelitarum habitum, quem multos iam annos ex voto gestauerat. Sub hac videndi vim sibi addi persensit, ut qua erat lux maior, & densior, in nubis excelsissima eam intenderet; illic sed longis seimoto spatiis conspicatur matronam, forma mirabili, cuius è sinu lucis tam viuidæ manabat flumen, ut ab aspectu oculos arceret. Orat ergo S. Ignatium eos corroborat, ad contuendam spectaculi tanti præstantiam; cum ecce tibi de repente in editiori supraque Angelos comparet Ignatius, apertis brachiis, ardenti vultu, conspectu hilari, eamque paulisper silendo contutus, delabitur proprius, sic ut commode posset oris lineamenta discernere. Hic autem Deipara, porrecta manu, monstrare illi Ignatium digito, velut indicans esse quem inuocauerat, & iubens se illi commendare. At ipsa nouo dolore ista, vocemque attollens. Ignosce ô Beate Ignati! nunc enim memini, sanctitatem tuam laudantibus obstitisse sæpe incredulam, & exprobrasse fratri meo Antonio ingressum Ordinis, cuius Fundator, Sancti nomen ab Ecclesia non obtinuerat. Agnosce igitur, infert Deipara sanctum esse, & ex iis quos subsidio aduocasti; unum aduenisse, tèque illius gratia seruandam. Quam quidem salutem animæ, puella interpretabatur, aliud quodlibet periculum oblita, & pro illa Ignatium instanter precabatur;

DDd 2 tur;

tur ; qui tametsi siseret perpetuo, sed aspectus , & oris explicata serenitas, & arrisus quidam , mirifice illam solabatur. Horas quatuor iam totas extra se positam hæc detinebant spectacula , quæ , vt se recepit , breuem se morulam putasse afferuit. Mater interea , filia mortem in momenta expectans , circumdecurabat eulans , & implorans misericordem alicuius manum , quæ opitularetur pereundi. Promisit operam peritissimus è vicinia natator , & suam Deiparæ salutem commendans , mari , sed magno cum labore nam intumuerat , nec minori alea , se dedit , natandoque perlatus , puellam brachio prehendit ; cui tunc viso penitus dilabente , rediit maris , & periculi conspectus idem , & horror qui ante fuerat , auctusque accessu natatoris , quem esse dæmonem , vel inde certius coniecit , quod ab eo tenta , cum eo mox sub aquas depresso est ; sed ab eo amissa , situm illicè eundemcepit , clamans , & Deo , parenti Virgini , S. Ignatio supplicans , vt se à potestate dæmonis eriperet. Natator expertus quid posset , & videns contra vsum naturæ aquis superferri , inuenito felici , quasi tabula foret cœpit eam ad littus impellere , & eiecit denique in terram tam facili , & tam celeri natatu , vt non ambigeret miraculo factum. Multos inde à principio acciuerat matris miseræ clamor , & lacrymæ , vel opem laturos , vel tristem spectaturos casum , inter quos Petrus Maria Torreus Abenganus , magnam viderat lucem pueræ imminere , & intermicare ex ea stellulas , sive ut apparebat splendidos vñiones , esseque id à Deo coniectans qui saluam vellet quam pridem alioqui , torrens , & mare , sorbusset ; gemino inde miliiari per certum hominem , aduocarat quem dixi natatorem Thomam Marenum nomine. A quo in terram exposita , genua statim flexit , rogauitque adstantes ad agendas secum Deiparæ , & S. Ignatio vitæ sibi seruatæ gratias: fuit ex ea qui quereret , ecquæ lux fuisse quæ procul ex littore impendere illi cernebatur , & num aliquod visum interim spectasset : at illa penitus omnia tacuit , vestibusque ut potuit mutatis , ad S. Francisci de Paula perducitur , vbi mater pro illa Deum precabatur , ad matrem primæ vox eius fuit , quod ante sextum diem in somnis viderat exitum habuisse ; intelligi volens à B. Virgine de Carmelo , & S. Ignatio se mari eductam. Peruagata vero tam evidentis miraculi nouitate , Patres Carmelitæ Lonnenses , de illa iuridicè interrogandam iudicarunt , quibus fassa est quidem liberatores suos fuisse B. Virginem de Carmelo , & S. Ignatium ; speciem tamen quam viderat omnino filuit , seu religione scrupulosiori non ausa quam viderat dicere Dei matrem ; seu metu quodam inanis glotiolæ : quanquam viris aliquot religiosis eam aperuit , sed secretè fide ab iis sanctè prius petita , & accepta. Verum non diu post nocte quadam oranti suisque liberatoribus Mariæ , & Ignatio gratias agenti , en adest iterum , Dei Mater , eadem quinuper specie ; nisi quod adpectu seuero , & digito minax. Quibus inhorruit afflictissima , & longo fletu ac precibus institut ex ea cognoscere , ecquam suam ob culpam , eius minas , & iram esset commerita. Cumque illa repente se subducens , visendam de cœtero non præberet , conuersis ad Christum.

Christum precibus, idem trium horarum spatio ex eo contendit exorare, dum mœtore, & labore fracta faciem in manus inclinavit, tantisper interquietura. Hic vero incredibili gaudio impleri, & vocem audire ter sibi hæc iussa repetentem. Narra ingenè filia quæcumque de matre mea tibi monstrata sunt; qua voce respirans, & minarum quas extimuerat edocta causam, simul eam fuisse Dei matrem quam viderat, imperata perfecit, & authoritate legitima, quod pro testimonio dixerat, estque hic à nobis recensitum firmari voluit; superadditis tamen quæ mater, natator, & rei spectatores iuati addidere.

Conciones habebat Arbosij in Comitatu Burgundia propè Dolam ex Ordine religiosissimo vir quidam. Hic à Doctore Gillabodo virtute ac literis noto, vocatus ad prandium, indignè accepit efferti ab eo Ignatij merita, & sanctimoniam, aususque infelix in sanctos ludere, Iesuitarum, inquit, Fundatoris eò summa pertingit potestas, ut sanet dolorem dentium non plus ultra. Quæ vox ab homine tam spectata professionis, & habitus, liuore sacrilego expresa, offendit grauiter conuiuas, & mœsto silentio excepta est, erat enim S. Ignatio addicteissima illa domus. Accidit ea res die lunæ, mediae quadragesimæ proximo, quam vt concionibus expleret qui cœperat, vindictam sceleris, Deus in gratiam populi distulit. Sed altero à Pasca die, ab eodem denuo inuitatus, temeritatis impia pœnam luit. Manu pateram tenens, ut biberet, improviso inhorrescit, vociferatur sibi dentes dissilire, & os protus occludi, planèque post hæc confixis veluti maxillis, verbum nullum misit, sed mugitu, & fremitu desperabundi morte adstantes exterruit; sub hæc enim misere abiipi, furere, conuelli, exagitari tam valida tabie, vix vt quinque, aut sex hominum manibus teneatur. Adhibentur, sed frustra medici, nam inductus à Deo morbus, at expugnabilis hominibus non erat. Inter hos angores triduum superstes, eloquenter populo reuerentiam beatis debitam suo supplicio suasit; ac finem denique viuendi fecit, nec pœnitudinis, aut alterius cuiusvis bonæ mentis indicium verbo vlo dedit.

Ante hunc anno 1610. fuerat idem scelus in Hispania, laicus alterius Ordinis. Hic prope Cordubam, cum in Societatis adiutorem incidisset, secdis modis aggressus est, illum, Societatem, maximèque S. Ignatium ludere, haud pridem beatis adscriptum. Conuitorum, & sarcasmi satur, vestes exuit, séque nudus in riuum moletrinæ mittit. At ecce dum natat, in quo erat expeditissimus, videt iterum adiutorem nostrum, & O! inquit, tenere in hic Patrem vestrum Ignatium: ego illum potarem tam liberaliter, ut in posterum sitiret nunquam. Fuit hic eius & verborum, & vita horrendus finis: subito enim velut plumbeus in ima deprimitur, & aquis præfocatur.

Mutinenses quatuor nobiles, Ludouica Fontana; Francisca, & Anna Brancolinæ, ipsius ex matre Sorores; & Liuia, Alberti Fontanæ filia compertæ sunt ab dæmone possideri anno 1598. Harum Ludouica Paulo Gui-

II.

*Miraculo-
rum S. Ignatij
derisor,
morte id luit
Arbosij in
comitatu
Burgundia.*

III.

*Simile præce-
denti prope
Cordubam.*

IV.

*Arreptitia
quatuor mu-
tinæ liberan-
tur.*

D D d 3 doneo